

U G O V O R
O NABAVCI OBJEKTIVA ZA FOTOGRAFSKI APARAT ZA POTREBE
USTAVNOG SUDA BOSNE I HERCEGOVINE

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Sarajevo, ulica Reisa Džemaludina Čauševića 6/III, Sarajevo, koga zastupa Nataša Vuković, generalni sekretar Ustavnog suda Bosne i Hercegovine, (u daljem tekstu: **Naručilac**),

i

„C-SERVIS d.o.o.“, Antuna Hangija br. 31, Sarajevo, koga zastupa Admir Bratović, zamjenik direktora (u daljem tekstu: **Isporučilac**).

Član 1.

Predmet ugovora je nabavka i isporuka širokokutnog objektiva za fotografski aparat za potrebe Naručioca, prema sadržaju predračuna broj 707/16 od 6. decembra 2016. godine, a koji je sastavni dio ovog ugovora.

Član 2.

Cijena za nabavku iz člana 1. ovog ugovora definisana je u predračunu iz člana 1. ovog ugovora i iznosi 1.046,70 KM bez uračunatog PDV-a odnosno 1.224,64 KM sa uračunatim PDV-om.

Član 3.

Isporučilac se obavezuje da će izvršiti isporuku robe u skladu sa članom 1. ovog ugovora u prostorije Naručioca, najkasnije do 31. decembra 2016. godine.

Isporučilac se obavezuje dostaviti robu Naručiocu, u traženim količinama i u dogovoreno vrijeme, kvalitete koja odgovara kvaliteti iz ponude Isporučioca.

Član 4.

Isporučilac se obavezuje da robu fakturiše na osnovu otpremnice potvrđene od strane Naručioca da je robu preuzeo.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od sedam dana po kvalitativnom i kvantitativnom prijemu robe bez primjedaba i prijemu fakture, fakturu proslijediti na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 5.

Sve troškove u vezi sa dostavom po ovom ugovoru snosi Isporučilac.

Član 6.

Isporučilac garantuje da će isporučena roba biti tvornički nova, neupotrebljavana, originalna i da će funkcionisati saglasno deklarisanim performansama.

Garancija za isporučeno robu je 12 mjeseci.

Član 7.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u Bosni i Hercegovini.

Član 8.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 9.

Ovaj ugovor stupa na snagu danom potpisivanja od strane ovlaštenih lica ugovornih organa.

Član 10.

Ovaj ugovor je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

ZA ISPORUČIOCA

ZA NARUČIOCA

Admir Bratović
Zamjenik direktora

Sarajevo, 13.12.2016.
Broj: 0059/2016



Nataša Vuković
Generalni sekretar
Ustavnog suda Bosne i Hercegovine

Sarajevo, 13.12.2016.
Broj: P3-709/16